

500 йиллик масжид таъмирланди



11:00 / 25.02.2022 1485

Босния ва Герцеговина пойтахти Сараеводаги энг қадимий масжидлардан бири бўлган «Лубина» масжиди яқинда таъмирдан чиқарилди.

Қарийб 500 йил аввал Усмонлилар томонидан қурилган бу масжидда жума намози ва зикр ибодатлари адо этиб келинади.

«Лубина» масжиди Босния ва Герцеговина пойтахти Сараевонинг эски қисмида жойлашган бўлиб, масжиднинг мактаб биносида 89 нафар эркак ва аёллар таҳсил олади.

Масжид 1696 йилда Австрия армиясининг француз генерали Эжен де Савойя томонидан ёқиб юборилган ва бутунлай вайрон қилинган.

Тарихий масжид яқинда тўлиқ таъмирланиб, унинг режалари янгидан ишлаб чиқилди.

Сараеводаги бошқа масжидларда бўлгани каби бу масжидда ҳам беш маҳал намоз, жума намози ибодати ўқилиб, бундан ташқари болалар ва ёшлар учун Қуръон курслари, мавлудлар ўқиш, турли тадбир ва маросимлар ўтказилади.

Хуршид Маъруф